



O'ZBEKISTON RESPUBLIKASI SUV XO'JALIGI VAZIRLIGI HAY'AT QARORI

2023-yil 3 -noyabr

Toshkent sh.

№ 8/1

Вазирлик тизимида 2023 йилнинг 9 ойи давомида ижтимоий-иқтисодий ривожлантириш ва иқтисодий ислохотларни чуқурлаштириш якунлари ҳамда Ўзбекистон Республикаси Президенти ва Ҳукумат ҳужжатлари билан жорий йилга белгиланган прогноз кўрсаткичлар ва топшириқларнинг ижросини сўзсиз таъминлаш билан боғлиқ чора-тадбирлар тўғрисида

Вазирлик хайъати таъкидлайдики, 2023 йилнинг 9 ойи давомида Ўзбекистон Республикаси Президентининг жорий йил 28 февралдаги “2022–2026 йилларга мўлжалланган Янги Ўзбекистоннинг тараққиёт стратегиясини “Инсонга эътибор ва сифатли таълим йили”да амалга оширишга оид давлат дастури тўғрисида”ги ПФ-27-сонли Фармони, шунингдек, Ўзбекистон Республикаси Президенти ва Ҳукуматининг ҳужжатлари билан жорий йилга белгиланган прогноз кўрсаткичлар ва топшириқларнинг ижросини тизимли равишда ташкил ва таъмин этиш борасида муайян ишлар амалга оширилган. Ҳисобот даврида:

338,0 минг га, жумладан, 71,4 минг га томчилатиб ва 15,1 минг га ёмғирлатиб, 7,5 минг га майдонда дискрет суғориш технологиялари, 42,9 минг га майдонда эгилувчан қувурлар орқали ва 20,6 минг га майдонда эгатга плёнка тўшаб суғориш ишлари ҳамда 182,3 минг гектар майдон лазер ускунаси ёрдамида текисланиб, сувдан фойдаланиш самарадорлиги оширилган;

капитал қўйилмалар ҳисобидан амалга оширилаётган ирригация-мелиорация лойиҳалари доирасида 688,3 млрд. сўм (70%) ва мелиорация объектларида таъмирлаш ва тиклаш бўйича 274,7 млрд. сўм (82%) ўзлаштирилиб, 140,0 минг га майдоннинг сув таъминоти, 90,0 минг га майдоннинг мелиоратив ҳолати яхшилانган;

3 195 та сув хўжалиги объектида “Ақли сув” қурилмаси, 1 678 та “Дайвер” қурилмаси, 44 та насос станциясида “онлайн” назорат қилиш қурилмаси ўрнатилиб, 12 та йирик сув хўжалиги объекти автоматлаштирилган;

юқоридаги тадбирлар натижасида 6,2 млрд. куб метр сув тежалган, иқтисодиёт тармоқларига 32,5 млрд. куб метр сув етказиб берилган;

хорижий инвестициялар ҳисобидан амалга оширилаётган 6 та лойиҳа доирасида 56,36 млн. АҚШ доллари ўзлаштирилган ҳамда 266,1 км узунликдаги каналлар ва улардаги 562 та гидротехник иншоот реконструкция қилинган, 148 та қўприк қурилган ва 13 та янги насос агрегати ўрнатилган;

насос станциялари ва тик қудуқларни ишлатишга ажратилган лимитдан 148 млн. кВт. соат ҳамда ўтган йилнинг мос даврига нисбатан 214 млн. кВт. соат миқдорида электр энергияси тежалган;

умумий қиймати 1 трлн. 300 млрд. 326 млн. сўм бўлган 163 та лойиҳа давлат-хусусий шериклик асосида хусусий сектор бошқарувига берилган.

Лекин, эришилган натижалар билан бирга ҳисобот даврида бир қатор хато ва камчиликларга, қолоқликларга ҳам йўл қўйилган бўлиб, ҳозирги кунда ўз ечимини қутаётган масалалар мавжуд. Жумладан:

сув тежовчи технологияларни жорий қилиш ишларига тижорат банклари томонидан кредит маблағлари кеч ажратилганлиги сабабли Тошкент вилоятида 44%, Қорақалпоғистон Республикасида 41% ҳамда Навоий, Сурхондарё ва Сирдарё вилоятларида бор-йўғи 38% қурилиш ишлари якунланган;

2024 йил ҳосили учун экилган ғалла майдонларида ёмғирлатиб суғориш технологиясini жорий қилиш бўйича белгиланган режага нисбатан Андижонда 72%, Сурхондарё 56% ҳамда Қорақалпоғистон Республикаси, Фарғона ва Навоий вилоятларида бор-йўғи 50% пудрат шартномалари расмийлаштирилган;

Беруний, Чимбой, Кармана, Қизилтепа, Навбахор, Пахтачи, Ургут ва Сўх туманлари ирригация бўлимларида сув тежайдиган ва рақамли технологияларни ривожлантириш бўлимлари вазифаси бошқа ходимга бириктириб қўйилган, Когон, Косон, Кўкдала, Жомбой, Бойсун, Денов туманларида сувни тежайдиган ва рақамли технологияларни ривожлантириш бўлимлари вакант бўлса, Асака, Булоқбоши, Улуғнор, Хўжаобод, Шаҳрихон, Косонсой, Уйчи, Оқдарё, Иштихон, Самарқанд, Тойлоқ ҳамда Урганч туманларида эса мавжуд штат бирликлари қисқартириб юборилган.

10937 та “*Ақлли сув*” қурилмаларини ўрнатиш ишларига 218 740 млн. сўм маблағ талаб этилиб, мазкур тадбирларга маҳаллий бюджетдан 99 286 млн. сўм (45%) маблағ ажратилган ҳамда ҳозирга қадар 40 503 млн. сўм (55%) маблағ ўзлаштирилган. Ўрнатилган 6 701 та “*Ақлли сув*” қурилмаларидан 5 810 та (87%) қурилмалар вазирлик серверига боғланган бўлиб, ҳозирда уларнинг 2 723 тасидан (47%) маълумотлар келиши тўхтаб қолган.

Тошкент вилоятида 104 та, Сурхондарё вилоятида 105 та, Навоий вилоятида 124 та, Хоразм вилоятида 148 та, Самарқанд вилоятида 190 та, Бухоро вилоятида 212 та, Қорақалпоғистон Республикасида 257 та, Жиззах вилоятида 300 та, Наманган вилоятида 308 та, Қашқадарё вилоятида 318 та ва Фарғона вилоятида 575 та қурилмалар ишчи ҳолатида эмас.

273 та “*Насос қурилмалари*”ни ўрнатиш ишларига 6 642 млн. сўм маблағ талаб этилиб, мазкур тадбирларга маҳаллий бюджетдан 5 837 млн. сўм (87%) маблағ ажратилган бўлиб, ҳозирги кунга қадар бор-йўғи 833 млн. сўм (14%) маблағ ўзлаштирилган, холос.

Сув хўжалигида давлат-хусусий шериклик лойиҳаларини амалга ошириш, сув хўжалиги объектларини давлат-хусусий шериклик тамойиллари асосида хусусий шериклар бошқарувига бериш борасида амалга оширилаётган талаб даражасида эмас. Жиззах вилоятида Дўстлик тумани 1 та, Қашқадарё вилоятида Касби ва Нишон туманлари, Сирдарё вилоятида Сардоба ва Оқолтин туманларида 2 тадан лойиҳа битимлари имзоланиб реестрга киритилган, холос

Вазирлар Маҳкамасининг 2022 йил 13 декабрдаги “*Қашқадарё вилояти тажрибаси асосида сув ресурсларини бошқариш тизимини янада такомиллаштириш чора-тадбирлари тўғрисида*”ги 703-сонли қарорининг 1-илоvasида кўрсатиб ўтилган сув хўжалиги объектларини агрокластерларга давлат-хусусий шериклик шартлари асосида беришда сусткашликка йўл қўйилмоқда.

Маъмурий бинолар ҳамда сув хўжалиги объектларига қуёш электр панелларини ўрнатиш бўйича топшириқ ижроси қониқарсиз ҳолатда. Норин-Сирдарё ирригация тизимлари ҳавза бошқармасида 55%, Зарафшон ва Қуйи Сирдарё ирригация тизимлари ҳавза бошқармаларида 40%, Чирчик-Оҳангарон ирригация тизимлари ҳавза бошқармасида 33% ҳамда Сирдарё-Сўх ирригация тизимлари ҳавза

бошқармасида 35 фоизга бажарилган, бўлса, Чапқирғоқ Амударё ирригация тизимлари ҳавза бошқармасида 12,5% ва Норин-Қорадарё ирригация тизимлари ҳавза бошқармасида 19,1 фоизга бажарилган, холос.

Ҳисобот даврида ўтган йилнинг мос даврига нисбатан Норин-Сирдарё ирригация тизимлари ҳавза бошқармаси ҳузуридаги Насос станциялари ва энергетика бошқармаси томонидан 13,1 млн. кВт. соат, Жиззах бош насос станцияси бошқармаси томонидан 5,99 млн. кВт. соат, Сирдарё-Сўх ирригация тизимлари ҳавза бошқармаси ҳузуридаги Насос станциялари ва энергетика бошқармаси томонидан 5,42 млн. кВт. соат, Беруний насос станциялари ва энергетика бошқармаси томонидан 4,12 млн. кВт. соат, Чапқирғоқ Амударё ирригация тизимлари ҳавза бошқармаси ҳузуридаги Насос станциялари ва энергетика бошқармаси томонидан 1,34 млн. кВт. соат электр энергияси ортиқча ишлатилишига йўл қўйилган.

Ирригация ва мелиорация объектларини қуриш, реконструкция қилиш бўйича 32 та объектда, Қорақалпоғистон Республикасида 3 та, Андижон вилоятида 1 та, Жиззахда 3 та, Қашқадарёда 4 та, Наманганда 1 та, Самарқандда 4 та, Сурхондарёда 4 та, Сирдарёда 3 та, Тошкентда 2 та, Фарғонада 4 та, Хоразмда 3 та объектда хато-камчиликлар ва қолоқликларга йўл қўйилган.

Қўшимча ажратилган 91,0 млрд. сўм маблағ ҳисобига дастурга янгидан киритилган 6 та (Қорақалпоғистон Республикасида 1 та, Қашқадарёда 3 та, Хоразмда 2 та) объект бўйича белгиланган тартибда бош лойиҳачи ташкилотларни аниқлаш, лойиҳа-смета ҳужжатларини ишлаб чиқиш, экспертизадан ўтказиш ва бош пудратчи ташкилотларни аниқлаш ишларига маълум вақт талаб этилгани боис, бугунги кунга қадар ушбу объектларга ажратилган маблағлар ўзлаштирилмасдан қолмоқда.

Юқорида қайд этилган хато-камчиликлар ва қолоқликларни зудлик билан бартараф этиш, ўз ечимини қутаётган мавжуд муаммоларни ҳал қилиш, жорий йил 20 октябрь куни Давлатимиз раҳбари раҳбарлигида видеоселектор йиғилишида сув хўжалиги соҳасига билдирган эътирозлари ва сув хўжалигидаги вазиятдан чуқур ташвишларидан тегишли хулоса чиқариш, Ўзбекистон Республикаси Президенти ва Ҳукумати ҳужжатлари билан 2023 йилга белгиланган прогноз кўрсаткичлар ва топшириқларнинг ижросини сўзсиз таъминлаш бўйича бошқарувнинг барча даражадаги раҳбар ва мутахассисларнинг шахсий масъулияти ва жавобгарлигини кучайтириш мақсадида, ҳайъат йиғилиши

Қарор қилади:

1. Вазир ўринбосарлари, вазирлик марказий аппаратининг бошқарма ва мустақил бўлим бошлиқлари, вазирлик тасарруфидаги республика ва тизим ташкилотлари, Қорақалпоғистон Республикаси Сув хўжалиги вазирлиги, вилоятлар ирригация тизимлари ҳавза бошқармалари, ирригация тизим бошқармалари ва туманлар ирригация бўлимлари томонидан Ўзбекистон Республикаси Президенти ва Ҳукумати ҳужжатлари билан 2023 йилнинг 9 ойига белгиланган прогноз кўрсаткичлар ва топшириқларнинг ижросини таъминлаш борасида амалга оширилган ишлар **қониқарсиз деб топилсин.**

2. Ўзбекистон Республикаси Президенти ва Ҳукумати ҳужжатлари билан 2023 йилга белгиланган прогноз кўрсаткичлар ва топшириқларнинг ижросини таъминлаш борасида хато-камчиликлар ва қолоқликларга йўл қўйганлиги ҳамда ўз ечимини қутаётган мавжуд муаммоларни ҳал қилишга масъулиятсизлик билан ёндошганлиги учун жорий йилнинг III чораги давомида вазирликнинг 5 та буйруғи ва 2 та ҳайъат йиғилиши қарорлари билан жами 20 нафар раҳбар-ҳодимларга шу жумладан, 3 нафар вазирлик марказий аппарати раҳбар-ҳодимларига ва 9 нафар тизим ташкилотлари раҳбарларига нисбатан Ўзбекистон Республикаси Меҳнат кодексининг

312-моддасига мувофиқ хайфсан эълон қилинганлиги, 3 нафар ходимга (2 нафар тизим ташкилотлари раҳбарига) нисбатан ўртача ойлик иш ҳақининг ўттиз фоизи миқдорида жарима қўлланилганлиги ва 5 нафар ходимнинг эгаллаб турган лавозимидан озод қилинганлиги **маълумот учун қабул қилинсин.**

3. Вазир ўринбосарлари, вазирлик марказий аппаратининг бошқарма ва мустақил бўлим бошлиқлари, вазирлик тасарруфидаги республика ва тизим ташкилотлари, Қорақалпоғистон Республикаси Сув хўжалиги вазирлиги, вилоятлар ирригация тизимлари ҳавза бошқармалари, ирригация тизим бошқармалари ва туманлар ирригация бўлимлари томонидан вазирлик тасарруфидаги суғориш тармоқларини, шу жумладан, вилоятлараро ва магистрал каналлар, ирригация тизимлари, ички хўжалик суғориш тармоқларини, насос станциялари, суғориш ва мелиоратив кудукларни 2024 йил вегетация мавсумига тайёрлаш, сув омборларида сув захирасини тўплаш ҳамда қишки новеgetация мавсумида сув ресурсларидан оқилона фойдаланиш бўйича амалга оширилаётган ишлар **талаб даражасида эмас деб топилсин.**

4. Ўзбекистон Республикаси Президентининг 2021 йил 24 февралдаги “Ўзбекистон Республикасида сув ресурсларини бошқариш ва ирригация секторини ривожлантиришнинг 2021–2023 йилларга мўлжалланган стратегиясини тасдиқлаш тўғрисида”ги ПҚ-5005-сонли қарори билан сувни тежайдиган технологияларни жорий этиш бўйича 2023 йилга мўлжалланган режа-прогноз кўрсаткичлари ижросини тўлиқ таъминламаганлиги ҳамда 2024 йил ҳосили учун экилган ғалла майдонларида ёмғирлатиб суғориш технологиясини жорий қилиш ишларига масъулиятсизлик билан қараганлиги учун Аму-Қашқадарё ирригация тизимлари ҳавза бошқармаси (Қ.Чўлиев), Зарафшон ирригация тизимлари ҳавза бошқармаси (А.Суюнов), Аму-Сурхон ирригация тизимлари ҳавза бошқармаси (А.Холбоев), Норин-Сирдарё ирригация тизимлари ҳавза бошқармаси (А.Боймирзаев), Қуйи Зарафшон ирригация тизимлари ҳавза бошқармаси (Д.Ражабов), Қуйи Сирдарё ирригация тизимлари ҳавза бошқармаси (О.Ахмадқулов), Чирчиқ-Оҳангарон ирригация тизимлари ҳавза бошқармаси (С.Алимбеков) ва Чапқирғоқ-Амударё ирригация тизимлари ҳавза бошқармаси (Д.Камолов)га **сўнгги маротаба огоҳлантириш эълон қилинсин.**

Белгилаб қўйилсинки, сув тежовчи технологияларни жорий қилиш ишларига шахсан ирригация тизимлари ҳавза бошқармаси бошлиқларининг биринчи ўринбосарлари масъул ҳисобланади ҳамда 2023 йилга мўлжалланган режа-прогноз кўрсаткичлар ижроси белгиланган муддатларда, тўлақонли ва сифатли таъминламаган тақдирда уларга нисбатан Ўзбекистон Республикаси Меҳнат кодексининг 312-моддасига мувофиқ **меҳнат шартномасини бекор қилишгача бўлган навбатдаги интизомий жазо чоралари қўлланилади.**

5. Вазир ўринбосарлари Р.Қаршиев ва Д.Ходжихмедов, вазирлик марказий аппаратининг бошқарма ва мустақил бўлим бошлиқлари, вазирлик тасарруфидаги республика ташкилотлари раҳбарлари, Қорақалпоғистон Республикаси Сув хўжалиги вазири, вилоятлар ирригация тизимлари ҳавза бошқармалари, Насос станциялари ва энергетика бошқармалари, Мелиоратив экспедициялар, “Сувқурилишинвест” давлат муассасалари, йирик гидротехника иншоотлари ва сув омборлари, ирригация тизим бошқармалари ва туманлар ирригация бўлимлари раҳбарларига:

3 кун муддат ичида жойларда 2023 йилнинг 9 ойи давомида йўл қўйилган хато ва камчиликлар, қолоқликлар ҳамда ҳозирги кунда ўз ечимини кутаётган масалаларни танқидий руҳда муҳокама қилиб, хайъат йиғилишига тақдим қилинган маълумотномада қайд этилган хато-камчиликлар ва қолоқликларни зудлик билан бартараф этиш, ўз ечимини кутаётган мавжуд муаммоларни ҳал қилиш юзасидан **вилоят, туман ва ҳар бир сув хўжалиги объекти кесимида чора-тадбирлар**

режасини ишлаб чиқиш, унинг ижроси ҳақида **ҳар ой якуни билан** вазирликка ёзма равишда ахборот тақдим қилиб бориш;

5 кун муддат ичида мелиоратив техникалардан, машина ва механизмлардан самарали фойдаланиш ҳамда улардан фойдаланиш эвазига бюджетдан ташқари ривожлантириш жамғармасига маблағлар тушириш бўйича **ҳар 10 кунликка** мўлжалланган тармоқ жадвал ишлаб чиқиш, ушбу масалалар юзасидан барча масъул ходимларнинг жавобгарлигини кучайтириш, носоз техникаларни таъмирлаш чораларини кўриш бўйича тизим ташкилотлари раҳбар-ҳодимлари иштирокида танқидий йиғилиш ўтказиш ва йиғилиш баённомасини вазирликка тақдим қилиш;

саноат ва энергетика корхоналарига етказиб берилаётган ҳар ойлик техник сувнинг миқдори ва ҳисоб-китобига аниқлик киритиш, етказиб берилган техник сув учун тўловларни вақтида ундириб бориш, ўз вақтида тўловларини амалга оширмаган истеъмолчиларга нисбатан маблағларни ундириш бўйича иқтисодий судларга тегишли даъво аризаларини киритиш юзасидан тизимли ишларни ташкил қилиш;

бир ҳафта муддатда 2023 йилда амалга оширилаётган хорижий инвестиция лойиҳалари доирасида ирригация объектларида пудратчиларга қурилиш-монтаж ишларини бажариш учун етарли даражада иш фронтини яратиб бериш бўйича сувни тўхтатиш графигини тасдиқлаб, унга қатъий риоя этилишини таъминлаш;

10 кун муддат ичида Қорақалпоғистон Республикаси Сув хўжалиги вазирлиги ва барча ирригация тизимлари ҳавза бошқармалари ҳузурида Хоразм тажрибаси асосида сув тежовчи технологияларни монтаж қилиш ва сервис хизмати кўрсатиш гуруҳлари фаолиятини йўлга қўйиш ҳамда сервис гуруҳлари томонидан амалга оширилган ишлар тўғрисидаги ахборот ва маълумотларни **ҳар ой якуни билан** вазирликка тақдим қилиб бориш;

10 кун муддат ичида 2024 йил ҳосили учун экилган ғалла майдонларида ёмғирлатиб суғориш технологиясини жорий қилиш бўйича пудрат шартномаларини расмийлаштириш ишларини якунлаш, расмийлаштирилган пудрат шартномаларини тижорат банкларига тақдим этиш, молиялаштириш қурилиш ишлари якунланмай қолган майдонларни фермер хўжаликлари ва қурувчи корхоналар кесимида чуқур таҳлил қилиш ҳамда йил якунига қадар қурилиш ишларини якунлаш чораларини кўриш;

тўқсонбости экинлар экилган майдонларда ва “Яшил макон” умуммиллий ҳаракати доирасида жорий қилинган сув тежовчи технологияларни хатловдан ўтказиш, ушбу майдонларда технологияларни жорий қилишни кенгайтириш бўйича тарғибот ишларини олиб бориш;

жорий йилнинг 1 декабрга қадар Қорақалпоғистон Республикаси Вазирлар Кенгаши ва вилоятлар ҳокимликлари билан келишилган ҳолда 2024 йил ҳосили учун экиладиган майдонларда шўр ювишга ер тайёрлаш ва шўр ювиш графикларини ишлаб чиқиш, тасдиқланган ҳолда вазирликка тақдим этиш ҳамда ушбу режага мувофиқ шўр ювишга ер тайёрлаш ва шўр ювиш тадбирларини **2024 йилнинг 25 февралига қадар тўлиқ якунлаш**;

жорий йилнинг 1 декабрга қадар эксплуатация харажатлари доирасида сув омборларидаги таъмирталаб пьезометрлар, гидростоллар ва назорат йўлларини таъмирлаш ва затворларини резина зичлагичларини алмаштириш ҳамда ирригация тармоқларини тозалаш, иншоотларни таъмирлаш-тиклаш ишларини бажариш бўйича йиллик режаларнинг тўлиқ бажарилишини таъминлаш;

жорий йилнинг 1 декабрга қадар 2020–2023 йилларда амалга оширилган давлат-хусусий шериклик лойиҳаларида битим шартларига мувофиқ хусусий шериклар томонидан инвестиция мажбуриятларини жорий йил декабрга қадар бажарилиши юзасидан ҳар бир лойиҳа бўйича хусусий шериклар билан музокаралар

олиб бориш ва натижаси бўйича вазирликка (йиғилиш баёни ва фотосуратлар) ахборот тақдим қилиш;

жорий йилнинг 15 декабрига қадар вазирлик тасарруфидаги сув омборларининг сув чиқариш иншоотларини таъмирлаш ва дарвозалари (*задвижклар*)ни алмаштириш ҳамда фавқулодда сув ташлаш иншоотларидаги дарвозалар (*затворлар*)нинг металл қисмларини коррозиядан ҳимоялаш ишларини якунлаш;

сув омборлари, сел-сув омборлари ва хавф даражаси юқори бўлган бошқа сув хўжалиги объектлари хавфсизлик декларацияларини ишлаб чиқилишини, сув омборлари ва сел-сув омборлари ҳамда хавф даражаси юқори бўлган бошқа сув хўжалиги объектлари хавфсизлиги билан боғлиқ бошқа тадбирларни амалга ошириш;

сув омборида фавқулодда вазиятлар учун захира ресурсларини ҳамда шахсий ҳимоя ва қутқарув асбоб-анжомлари захирасини яратиш;

сув омборлари ва сел-сув омборлари ҳамда хавф даражаси юқори бўлган бошқа сув хўжалиги объектларида авария-захира материалларини яратиш ҳамда керакли асбоб-ускуналар билан босқичма-босқич жиҳозлаш ишларини амалга ошириш;

жорий йилнинг 15 декабрига қадар Ўзбекистон Республикаси Президентининг 2021 йил 24 февралдаги “Ўзбекистон Республикасида сув ресурсларини бошқариш ва ирригация секторини ривожлантиришнинг 2021–2023 йилларга мўлжалланган стратегиясини тасдиқлаш тўғрисида”ги ПҚ-5005-сонли қарори билан соҳага рақамли технологияларни жорий этиш, шу жумладан, сувнинг ҳисобини юритадиган “Ақлли сув”, мелиоратив кузатув кудукларнинг мониторингини юритувчи “Дайвер”, насос агрегатининг электр энергияси истеъмоли ва сув сарфи ҳисобининг мониторингини юритувчи қурилмаларни ҳамда йирик сув хўжалиги объектларини автоматлаштирилган бошқарувга ўтказиш бўйича жорий йилга белгиланган прогноз кўрсаткичлар ижросини тўлиқ якунлаш;

жорий йилнинг 15 декабрига қадар Насос станциялари ва энергетика бошқармалари билан биргаликда сув хўжалиги ташкилотларининг суғориш кудуклари ва вертикал дренаж кудукларига боғланган кузги бугдой майдонларида тўлиқ ёмғирлатиб суғориш технологияси жорий қилинишини таъминлаш;

жорий йилнинг 15 декабрига қадар ирригация ва мелиорация объектларини қуриш ва реконструкция қилиш ҳамда мелиорация объектларини тизимли таъмирлаш-тиклаш ишлари бўйича 2023 йилга белгиланган прогноз кўрсаткичлар ва топшириқларнинг ижроси тўлақонли ва сифатли таъминлаш;

ирригация ва мелиорация объектларини қуриш ва реконструкция қилиш ҳамда мелиорация объектларини тизимли таъмирлаш-тиклаш ишлари тўлиқ якунлангач, уларни фойдаланишга топшириш олдидан маҳалла оқсоқоллари, кенг жамоатчилик вакиллари иштирокида тантанали тадбирлар ўтказиш ва уларни вазирликнинг расмий сайти ва ижтимоий тармоқлардаги саҳифалари орқали ёритилишини ташкил этиш;

жорий йилнинг 15 декабрига қадар Ўзбекистон Республикаси Президентининг 2022 йил 30 декабрдаги ПҚ-465-сонли қарори ҳамда Вазирлар Маҳкамасининг 2023 йил 20 февралдаги 05-03/1-2810-сонли йиғилиш баёни билан қишлоқ хўжалигида фойдаланишдан чиққан ерларни қайта фойдаланишга киритиш бўйича 2023 йилга белгиланган прогноз кўрсаткичлар ижросини сўзсиз ташкил ва таъмин этиш;

мавсум давомида 2024 йил ҳосили учун экиладиган бошоқли дон экинларини суғориш учун етказиб берилган сувдан самарали фойдаланиш ҳамда суғориш ишларида сувни тежайдиган технологиялар, жумладан, кўчма эгилувчан қувурларнинг кенг жорий этилишини ташкил қилиш, мавжуд сувнинг кунлик аниқ

ҳисоби ва ҳисоботини юритиш, сувни оқилона бошқариш ва ундан қатъий равишда навбатлаб фойдаланиш, кўчма насос агрегатлар ёрдамида қўшимча сув олиш, кластерлар томонидан кўчма эгилувчан қувурларни харид қилиш ва уларни кенг жорий қилиш чораларини кўриш;

мавсум давомида 2023–2024 йилларнинг куз-киш даврида ирригация ва мелиорация объектларида кузги-кишки тадбирларни амалга ошириш бўйича белгиланган прогноз кўрсаткичлар ижросини сўзсиз таъминлаш, вазирлик тасарруфидаги суғориш тармоқларини, шу жумладан, вилоятлараро ва магистрал каналлар, ирригация тизимлари, ички хўжалик суғориш тармоқларини, насос станциялари, суғориш ва мелиоратив қудуқларни 2024 йил вегетация мавсумига тайёрлаш;

мавсум давомида 2024 йил вегетация мавсуми учун етарли микдорда сув захирасини яратиш мақсадида республикадаги мавжуд сув омборларига белгиланган график асосида сув тўплаш ҳамда қишки новегетация мавсумида сув ресурсларидан оқилона фойдаланиш билан боғлиқ чора-тадбирларни тизимли равишда ташкил этиш;

мавсум давомида ирригация тизими каналларини тозалаш ҳамда улардаги гидротехника иншоотлари ва гидропостларни таъмирлаш даврда қатнашаётган экскаватор, бульдозер ва бошқа механизмларнинг машинист ҳамда механизаторларига етарли шароит яратиш, иссиқ овқат ва маошларини ўз вақтида бериб бориш ҳамда амалга оширилаётган ишлар ҳақида **ҳар 5 кунда** вазирликка (*Республика штабига*) ёзма равишда ахборот тақдим этиш;

ҳар ойда электр энергияси учун ҳақиқатда ажратилган маблағлар бўйича насос станцияларни ишлатиш юзасидан тегишли графикларни ишлаб чиқиб, вилоят ҳокимнинг қишлоқ ва сув хўжалиги масалалари бўйича ўринбосарлари томонидан тасдиқлатиш ва шу асосида насос станцияларни ишлатилишини сўзсиз таъминлаш;

насос станцияларга ўрнатилиши режалаштирилган электродвигател, қуёш электр панеллари, қуёш сув иситиш қурилмалари, конденсатор қурилмаларини ҳамда частота ўзгартирувчи қурилмалар сотиб олиниши ва ўрнатилишини таъминлаш;

мавсум давомида “Яшил макон” умуммиллий лойиҳасини сув хўжалиги тизимида юқори савияда ташкил этиш, вазирлик тасарруфидаги сув хўжалиги объектлари жойлашган майдонлар, ариқ ва зовурлар ҳамда каналлар атрофларига тупроқ-иқлим шароитига мос дарахт кўчатларини танлаш, экиш, тўғри парваришлашни йўлга қўйиш ишларини ташкил этиш ва бу борада амалга оширилган тадбирларни вазирликнинг расмий сайти ва ижтимоий тармоқлардаги саҳифалари орқали кенг ёритилишини ташкил этиш вазифалари топширилсин.

6. Ушбу ҳайъат йиғилиши қарорининг ижросини ташкил қилишни вазирнинг тегишли ўринбосарларига юклаб, уни назорат қилишни ўз зиммамда қолдираман.

Ҳайъат раиси



Ш. Ҳамраев